

دویم نامه ی پولوس رهسول وه قورنتییل

ئهوجوره که وهناو عهزاو یلمان هاوبهشین، وهناو دئنهوا ییمانیشت هاوبهشهو بوین.

^۸ ئی برایل، نیهتوایم که ئیوه له بهردیلی که له ناوچه ی ئاسیا وه سهزمان هات، بی خهوه بوین. چونیکه فرهتر له تویهنا یمان وهناو تهنگی بویمن، ئهوقره که له زنه ییمانیشت دهس شوریدیم. ^۹ وه راسیش گومان کردیایم حوکم وه مردنمان دانه. وه ی ئیانه گشتی هه لکهفت تا نه وه خوهمان، به لکهم وه خوداییک پشت بوهسیم که مردگیل زنیهو که ید. ^{۱۰} ئه یو ئیمه له ئیجور خهتەر متله قهریگ رزگار کرد و یه ی جارتیش رزگار کی. ئیمه ئمید وه ئه یو بهسایمنه که ههر ئیجوره رزگارمان کی، ^{۱۱} ئیوهیش وه گهرد دوعایلدان مه یه تمان بئین. تا قهر فره یگ وه بونه ی ئیمه ئه را فره یگ که وه جواو دوعای فره کهس به خشریاسه پیمان، سپاسیل بویشن.

گویریاین نه خشه ی پولوس

^{۱۲} شانازی ئیمه شایه تی وژدانمانه که کرده ومان وهناو جهان، وهتایه تی له باوهت ئیوه، وه گهرد ساده ی و روپراسی خودای بی. ئیمه نه وه روی زانیاری ئسانی، به لکهم وه پی فره خودا کار کردیمنه. ^{۱۳} چونیکه ئه و چشته وه پیدان نویسیمن درس ههر ئه وهسه که

له پولوس که وه خاست خودا رهسول عیسا مه سیحه و براگه مان تیموتاوس، وه کلیسای خودا وهناو شار قورنتوس و گشت ئیمانداریل وه مه سیح وهناو سه رتانه سر ناوچه ی ئه خائیه: ^۲ فیز و ناشتی و سلامه تی له لای خودا، باوگمان و خودا وهند عیسا مه سیح، وه ملدانه و بود!

خودای گشت دئنه واییل

^۳ پر بمارکه خودا، باوگ خودا وهندمان عیسا مه سیح، که باوگ به زه ییل و خودای گشت دئنه واییل؛ ^۴ که وه ئیمه وهناو گشت به ردیلیمان دئنه وای ده ی تا بتویه نیمن وه گهرد ئه و دئنه واییه که له ی گردیمنه، ئه وانه که هانه ناو به رد، دئنه وای بئیم. ^۵ چونیکه ههر ئه وجوره که وهناو عهزاو یل مه سیح، وه فراوانی هاوبه شیم، له ری مه سیح له دئنه وای فره یگه و هاوبه شیمن. ^۶ ئه گهر تویشت به رد تئیمن، وه بونه ی دئنه وای و نجات ئیوهس، جا ئه گهر دئنه وای چه وه پیمان، ئیه یسه با به بوده بایس دئنه واییدان، یان ی وهختی که ئیوهیش جور ئیمه تویشت ئه و عهزاو یله تئین، سه ور و تامول بیا شتوین. ^۷ ئمیدمان له باوهت ئیوه به رده وامه، چونیکه زانیمن ههر

۲ جا پشت ئه‌رایی به‌سام تا وه دواره نام ئه‌را لادان تا بایس خه‌مباردان بوم. ۲ چونیکه ئه‌گه‌ر خه‌مباردان بکه‌م، دیر کیه که خه‌شالمه‌و بکی، بیجکه ئیوه که خه‌مباردان کرده‌م؟ ۳ مه‌ ئه‌وجوده ئه‌رادان نویسام تا وه‌ختیگ هاتمه ئه‌را لادان، ئه‌وانه که بایه دلشادمه‌و بکه‌ن، بایس خه‌مباریم نه‌ون. ئه‌را ئیه‌ک دلنایم که شادی من گشتدان شاده‌و که‌ئید. ۴ چونیکه من وه دل خه‌مبار و په‌شیو و چه‌ویل پر له ئه‌سر ئه‌رادان نویسام، نه ئه‌را ئیه که خه‌مباردان بکه‌م، به‌لکه‌م تا بزاین مابه‌تم وه ئیوه چه‌نی بئی قویله.

به‌خشین ئایه‌م گونا‌ک‌ر

۵ ئیرنگه ئه‌گه‌ر که‌سیگ بیه‌سه بایس خه‌مباریم، نه ته‌نیا مه‌ خه‌مبارو کردی، به‌لکه‌م - ئه‌گه‌ر تن نه‌چویم - تا ئه‌نازه‌ئ گشتدان خه‌مبارو کردی. ۶ ئه‌ده‌و کردنیگ که قیر فره‌یگدان ئه‌رایی داشتینه، ئه‌گه‌ر چه‌یا داشتوی به‌سیه‌ دی. ۷ ئیرنگه دی بایه بوه‌خشیی و دلی بئینه‌و، نه‌خوای خه‌م فره‌ له پا‌بخیدی. ۸ جا لالکه‌م پیدان تا مابه‌ت خوه‌دان له سهر نو نیشانی بئین. ۹ سه‌وه‌و نویساینم ئیه‌ بی تا ئه‌زموندان بکه‌م بزائم له هه‌رچی چشته‌ گوشه‌ لیم ته‌کنین یا نه؟ ۱۰ ئه‌گه‌ر ئیوه که‌سیگ بوه‌خشین، منیش به‌خشمه‌ئ. ئه‌گه‌ر که‌سیگ به‌خشیمه - هه‌لبه‌ت ئه‌گه‌ر چشتی ئه‌را به‌خشین بود - له لای مه‌سیح و وه‌بونه‌ئ ئیوه ئیجوره کرده‌م، ۱۱ تا شه‌یتان فریومان نی، چونیکه له فیله‌گانی بی خه‌وه‌ر نیمن.

سه‌ره‌که‌فتن وه‌ناو مه‌سیح

۱۲ جا وه‌ختی ئه‌را جارداين مزگانی مه‌سیح چیمه‌ تروئاس، زانستم که خوداوه‌ند وه ئه‌وره

خوه‌نین و فامین. ئمیدوارم وه ته‌مامی بفامین ۱۴ هه‌ر ئه‌وجوده که تا ئه‌نازه‌ئگ ئیمه‌ فامینه، وه‌ناو روژ خوداوه‌ندمان عیسا هه‌ر ئه‌وجوده که ئیمه وه ئیوه شانازی که‌یمن، ئیوه‌یش وه ئیمه‌ شانازی بکین.

۱۵ ئه‌را ئیه که له ئی باوه‌ته دلنیا بیم، تواسم وه‌رجه هه‌ر چشتی بام بوینمه‌دان تا ئه‌را دویم جار فیز بگرینه‌وه‌ر. ۱۶ تواسم که هه‌م له وه‌خت چینییم وه‌رو مقدونیه و هه‌م وه‌ختیگ که له مه‌قدونیه تیه‌مه‌و، سه‌ری بیه‌مه‌ لیدان تا مه‌یه‌تم بئین و ری یه‌هودیه بگره‌مه‌وه‌ر. ۱۷ ئی وه‌ختیگ تواسیام ئی کاره بکه‌م، شک وه دل بیم؟ یا ئیه که تواسنم مینیده ئایه‌میل مامولی، وه له‌ونینگ که له یه‌ئ ئان بویشم 'ئه‌ری ئه‌ری' و بویشم 'نه نه'؟

۱۸ قه‌سه‌م وه وه‌فاداری خودا که قسه‌یه‌گه‌مان وه‌گه‌رد ئیوه 'ئه‌ری' و 'نه' نویه. ۱۹ چونیکه کو‌ر خودا، عیسا مه‌سیح، که من و سیلاس و تیموتاوس وه‌ناودان وه ئیو بانگه‌وازی کردیم، 'ئه‌ری' و 'نه' نوی، به‌لکه‌م وه‌ناو ئیو هه‌ر 'ئه‌ریه'. ۲۰ چونیکه گشت واده‌یل خودا وه‌ناو مه‌سیح 'ئه‌ریه' و وه‌ئی بونه وه‌ناو ئه‌وه‌سه که ئیمه 'گامین' وه زوان تیه‌ریم، تا خودا جه‌لال په‌یا بکی. ۲۱ جا ئیه خوداس که ئیمه وه‌گه‌رد ئیوه وه یه‌که‌و بوین وه‌ناو مه‌سیح به‌رده‌وام کی. ئیو مه‌سح و ده‌سنیشانمان کردی ۲۲ و مور خوه‌ئ کوتاسه‌ ملمانا که هن خوه‌ئ بویمن و روح خوه‌ئ جور به‌یانه وه‌ناو دل‌مان جی داس.

۲۳ خودا شایه‌ته که ته‌نیا وه‌بونه‌ئ به‌زه‌بی وه ئیوه بی که ناتمه‌و ئه‌را قورنتوس. ۲۴ نه ئیه‌ک وه سهر ئیمان‌دان زال بویم، به‌لکه‌م وه‌گه‌رددانه‌و، ئه‌را خوه‌شیدان ته‌قالا که‌یمن، ئه‌را ئیه‌ک وه‌ناو ئیمان به‌رده‌وامین.

٤ ئیمه ئیجور دنیاییگ له ری مهسیحه و له لای خدواوه دیریم. ٥ نه ئیهک خوهمان لیاقهت بیاشتویمین تا چشتیگ بنیمنه حساو خوهمان، به لکه م لیاقهتمان له خوداس. ٦ ئه یو لیاقهت به خشیسه پیمان تا خزمه تکاریل په پیمان نو بویمین، په پیمانیک که وه کار روح خدا بهردهوامه، نه وه ئه و چشته که نویسریایگ فره تر نیه. چوینکه 'نویسریای' کوشید، وه لی روح خدا زنه پی به خشید.

٧ ئیرنگه، ئه گهر خزمه تیگ که بویاده بایس مردن و وه که لیمه یل هه لکه نزیای وه سه ر کوچگ بهردهوامه، وه جه لاله و ئاشکرا بوی، وه له وونی که قهوم ئیسرا ئیل وه بونه ی جه لال ده مچه و موسای په یخه مهر نه تویه نسیان بنورنه پیه و، هه ر چهن ئه و جه لاله و ههرو نابودی چیا، ٨ ئی خزمه تی که له ری روح خوداس، جه لال فره ترینگ نیری؟ ٩ چوینکه ئه گهر خزمه تی که تاوانبار کردیا وه گهر ده لاله و بی، چهن فره تر خزمه تی که بوده بایس صالح بوین، پر له جه لاله! ١٠ چوینکه ئه و چشته که به ی وهختیگ پر له جه لال بی، ئیرنگه وه به راورد ئی جه لال سه رتره، دیر هه ر دیاری نیه. ١١ جا ئه گهر ئه و چشته که وهرو نابودی چود وه گهر ده لاله و هات، ئی ئه وه که هه مویشیه یی چهن فره تر جه لال دیری.

١٢ جا چوینکه ئیجور ئمیدیگ دیریم، وه ئازاییه و قسیه که یمن؛ ١٣ نه جور موسا که رویه نیگ به ساده ده مچه و تا قهوم ئیسرا ئیل نه نوره ئه و چشته که دیری ته مام بود. ١٤ وه لی زینیان تیه ریکه و بی. چوینکه تا وه ئیمرو، هه ر وهخت په پیمان کویه نه خوهن ئه و رویه نه مه نیه و لا نه وریاس، چوینکه ته نیا وه وه سه له ی مه سیح لا چود. ١٥ ئه ری، تا وه ئیمرو، هه ر وهخت ته ورات

ده ر گه وریایگ وه رویم واز کردیه. ١٣ وه لی وه دواره ئازام و قه رار نیاشتم چوینکه براگه ی خوه م تیتوس نیمه و. جا وه گهر نه شته جتیل ئه و ره مائا وایی کردم و چیمه ئه را مه نته قه ی مه قودنیه.

١٤ وه لی سپاس ئه را خدا که هه مویشه ئیمه وه ناو مه سیح، وه ناو رز سه رکه فتیل خوه ی بید و هه ویرات خوهش ماریفه ت له ری ئیمه وه گشتکوره په خشه و کی. ١٥ چوینکه ئه را خدا هه ویرات خوهش مه سیح، چ وه ناو نجات دریایل و چ وه ناو ئه وانه که له بین چن. ١٦ وه لی ئه را به ی هه ویریایگ له مهرگ که وهرو مهرگ چود و ئه را به کیگتر هه ویرات زیان وه ره و ژیان. جا کیه که لیاقهت ئیجور کارنگ بیاشتود؟ ١٧ ئه را ئیه که ئیمه جور قیر فره یگ که ئه را نه ف خوین خه ریک ده سفروشی که لام خودان، نیمن، به لکه م له لای خدا وه ناو مه سیح قسیه که یمن، هه ر جور مه رد م رویاسیگ که له لای خدا مامور بینه.

خزمه تکاریل په پیمان نو

٣ ئی بو یه ی جارتر ده س بکیمنه تاریف کردن له خوه مان؟ یا جور بریگ، هه وه جی وه سفارش نامه یگ دیریم تا بکیمنه ده سدانه و یا سفارش نامه یگ له لیدان بسینیم تا گشتیه کی ئه وه بناسن و بخوهن؟ ٢ ئیه خوه دان سفارش نامه ی ئیمه یین، نامه یگ که وه ناو دلمان نویسریاس تا گشتیه کی بخوهن و بفامن. ٣ ئیه نیشان داینه که نامه ی مه سیحین و بهر خزمه ت ئیمه، نه وه مره که و، به لکه م وه روح خودای زنی نویسریاس، نه وه سه ر ته خته کوچیگ، به لکه م وه سه ر ته خته دلیل به شه ری.

خودا وهناو ده مچهو عيسا مه سيح، وه ئيمه بدره وشيد.

۷ وهلئ ئي گهنجينه له ناو ده فريل خه رپين ديرييم، تا ئاشكراوه بود كه ئي هيز ته لاجويه له خوداس نه له ئيمه. ۸ ئيمه له ههر لايگهو هايمنه ناو بهرد، وهلئ وردخام نويمنه؛ سه زمان سر مه نيه، وهلئ نائيمد نيمن؛ ۹ عه زاو كيشيمن، وهلئ ته نيا نيمن؛ دريايمنه سه زه ويا، وهلئ له پا نه كه فتيمنه. ۱۰ هه مويشه مه رگ عيسا وهناو جه سه مان هه لگريمن تا زنه ي عيسايش وهناو جه سه مان ئاشكراوه بود. ۱۱ چويناكه ئيمه كه زنه يمن، هه مويشه وهبونه ئ عيسا مريمين تا زنه ي عيسا وهناو جه سه مان كه مرئ، ئاشكراوه بود. ۱۲ جا مه رگ وهناو ئيمه كار كئ، وهلئ زنه ي وهناو ئيوه.

۱۳ وهناو كتاو زه بور نويسرياس: «ئيمان هاورد، جا قسيه كردم.» ههر ئه و روح ئيمان هه ناو ئيمه يش هه س و ئيمه يش قسيه كه يمن. ۱۴ چويناكه زانيمن ئه يو كه عيسا خودا وهند له مرديگيل زنيه و كرد، ئيمه يش وه گهرد عيسا زنيه و كيئد وه گهردان تبه ريده لائ خوه ئ. ۱۵ ئه را ئيه كه ئيانه گشتي وهبونه ئ ئيوه س، تا فيزيگ كه كه سيل فره تر و فره تر گرته وه، بو ده بايس سپاس فره تر ئه را جه لال خودا.

۱۶ جا دل سه رد نويمين. ههر چن شيوه ئ جه سه ئ ئيمه پويتركييد، ئسان ده رويمان روژ وه روژ تازه تره و بود. ۱۷ چويناكه ورده بهرد و گوزه راي ئيمه جه لايگ ته به دي ئه رمان گورجه و كئ كه نيود وه گهرد هويچ بهرديگ به راوردئ بكي. ۱۸ جا ئيمه نيه نوريمنه چشتيلي

موسا خوه نن، ئه و روپيه نه، دلئان داپوشنريد؛ ۱۶ وهلئ ههر وهخت كه سيگ روي كه تده خودا وهند، روپيه نه كه لا چود. ۱۷ خودا وهند، روچه وهه ر كوره روح خودا وهند بود، وه ته و ره رزگاري هه س. ۱۸ گشتان وه گهرد ده مچه ويل بي روپيه نه، ههر جور نورين وهناو جامه ك نورتيمنه جه لال خودا وهند. جور وتينه ئ كه وهناو جامه ك دوينيم له يه جه لال وه جه لال گه وراتر گوپرييم. چويناكه ئيه له لائ خودا وهند سه رچاوه گري ههر ئه و خودا وهند كه روچه.

نوير ئينجيل

۴ ئمجا وه گهرد داشتن ئيجور خزمه تتيگ كه وهبونه ئ ئه و به زه ي خودا ديرييم، دل سه رد نويمين. ۲ وهلئ ئيمه رتيل نادرسي و شاريايه و نايمنه سه لا. ئيمه فيلبازي يا ده سه زتيه ي ناو كه لام خودا قه بوئ نيه كيمن، وهلئ وه گهرد ئاشكرا وهتن راسي، ته قالا كه يمن له لائ خودا موركرياي وژدان گشتيه كي بويمين. ۳ ته نانه ت ئه گهر ئينجيله گه مان شاريايه و، ئه را كه سيلتيگ شاريايه و كه هانه ري مه رگ. ۴ خوداي ئي جهانه، زه ين بي ئيمانيل كور كردي ته تا نوير ئينجيل جه لال مه سيح كه ويته ئ خوداي نادياريه، نوين. ۵ چويناكه ئيمه بانگه وازي خوه مان نيه كيمن، به لكه م بانگه وازي عيسا مه سيح كه يمن كه خودا وهنده، له خوه مان ته نيا وهبونه ئ عيسا، ته ويش ته نيا وه پئ خزمه تكاردان قسيه كه يمن. ۶ چويناكه ههر ئه و خوداي كه فه رمايش كرد: «نوير له ناو تبه ريكيه و بدره وشيد،» نوير خوه ئ وهناو دل مان دروشان تا روشناي ئاگاداري جه لال

خزمت ناشتی

۱۱ جا وهختی مانای زاور چین له خوداوهند زانیم، ته قالا کیم تا مهردم قانی بکیم. ئه و چشته که هیمن ئهرا خودا ئاشکراس و ئمیدوارم ئهرا وژدان ئیوهیش ئاشکرا بود. ۱۲ نیه توایم وه دواره له خوهمان تاريف بکیم، به لکه م توایم مدوگ بیمنه پیدان تا وه ئیمه شانازی بکین، تا بتویه نین جواو که سیلینگ بین که وه روی شیوه شانازی کهن، نه وه ئه و چشته که ها ناو دل. ۱۳ ئهرا ئه که ته گهر عه قلمان له دهس دایمنه، وه بونهی خوداس؛ جا ته گهر عاقلیم، وه بونهی ئیوهس. ۱۴ چوینکه هایمنه ژیر دهس مابهت مهسیح، وهختی دلنایم که یه نه فهر وه بونهی گشتیه کی مرد، جا گشت مردن. ۱۵ ئه یو ئهرا گشتیه کی مرد تا زنیل دیر ئهرا خوئان زنه یی نه کهن، به لکه م ئهرا که سیگ زنه یی بکهن که وه بونه یانه و مرد و زنه و بی.

۱۶ جا، وهشون ئیه، ئیمه هویچه که سیگ وه پی جهسه نیه ناسیم، جا ههر چهن روژیک مهسیح وه پی جهسه ناسیایم، ئیرنگه دی ئیجوره نیه. ۱۷ جا ته گهر که سیگ وه ناو مهسیح بود، درسکریایک تازهس. چشتیل کویه نه له بین چی؛ ئیسه، گشت چشتیگ تازه وه بیه! ۱۸ ئیانه گشتی له خوداس که له ری مهسیحه و ئیمه وه گهرد خوئو ناشتی داس و خزمت ناشتی سپاردیه سه ئیمه. ۱۹ یانی که خودا وه ناو مهسیح بی و ئی جهانه وه گهرد خوئو ناشتی دیاد و خه تایل مهردم وه حساویان نیشتیاد و پیخام ناشتی سپارده

که بود بوینیدیان، به لکه م نورئیمنه چشتیلی که نادیارن، چوینکه چشتیلی که بود بوینیدیان گوزهران، وه لی چشتیل نادیار، ته به دین.

مال ئاسمانیمان

۵ ئیرنگه زانیم ههر وهخت ئی دواره که ها بان زهوی که وه ناوی نیشته جییم برمید، مالیگ له خودا دیریم که ته به دیه و ها ناو ئاسمان، مالی که دهس درسی نه کردیه. ۲ ئهرا ئیه که وه ناو ئی دواره ئاخ هه لکیشیم، چوینکه ته زرهت دیریم که مال ئاسمانیمان بکیمنه وهر، ۳ ته گهر بکیمنی وهر، دیر وه روی نیوینریم. ۴ چوینکه تا وهختیگ که هایمنه ناو ئی دواره وه دهرد گرانگ ئاخ هه لکیشیم، چوینکه نیه توایم دلنگ له وهر دهر باریم، به لکه م دلنگیگ تر بکیمنه وهر تا ژیان، ئه و چشته که مرئ قویرته و بی. ۵ ئه یو که ئیمه ئهرا ئی مه بهسته گورجه و کردیه، خوداس که روح خوهی جور به یانه داسه پیمان.

۶ جا ئیمه هه مویسه ئازایم، ههر چهن زانیم تا وهختی که هایمنه ناو ئی جهسه، له خوداوهند دیریم، ۷ چوینکه وه ئیمان زنه یی کیم، نه وه ئه و چشته که دوییم. ۸ ئه ری، ئازایم و ئیجوره خاس زانیم، که له ئی جهسه دویرو بکه فیم و له لای خوداوهند نیشته جی بویمن. ۹ جا چ وه ناو ئی ماله بویمن و چ له دهیشت ئی ماله، ئامانجمان خوهشوند کردن ئه یوه. ۱۰ چوینکه گشتان بایه له نوای تهخت داوهری مهسیح بوسیم، تا ههر کهس وه پی کردهوی که وه ناو جهسه ی کردیه، چ خاس بود چ خراو، سزای بوینی.

ثایه میلی که دیرن مرن ری رهوشت کریه، وهلی هیمرای زنه یمن؛ وه گهر دمان جور ثایه میل سزا دریای ری رهوشت کریه، وهلی هیمرای نه کوشریایمنه؛^{۱۰} وه گهر دمان جور ثایه میل خه مبار ری رهوشت کریه، وهلی حاله وه مویشه دلشادیم؛ وه گهر دمان جور دهسته نگیل ری رهوشت کریه، وه ئی حاله وه فره کهس دهوله مه نه وه کیم؛ وه گهر دمان جور که سینگ که هویچ نیری ری رهوشت کریه، وه ئی حاله وه خاون گشت چشتیگیم.

^{۱۱} ئی قورنتییل، ئیمه بی پهرده وه گهر ددانه و قسیه کردیم و سفره ئی دلمان ئه رادان واز کردیم.^{۱۲} ئیمه مابهت خوه مان له لیدان دریخ نیه کیم. ئیوهین که مابهت دان له ئیمه دریخ کین.^{۱۳} له جی - وه گهر ددانه و جور منالیم قسیه کهم؛ ئیوهیش سفره ئی دلدان ئه رمان واز بکین.

مابه د خودای زنی

^{۱۴} وه گهر بی ئیمانیل وه ژیر هویه ئی نابه رابه ر نه چن، چونکه چ هاوبه شینگ ها له بین صالح بوین و شه رئا شوپی؟ یا چ دوسیگ ها له بین نویر و تیه ریکی؟^{۱۵} یا چ وه یه که وه کهفتینگ ها له بین مه سیح و بلیعال که ههر ئه وه شه یثانه سه؟ یا ئیماندار چ هاوبه شینگ وه گهر بی ئیمان دیری؟^{۱۶} یا چ وه یه که وه کهفتینگ ها له بین مابه د خودا و بتیل؟ چونکه ئیمه مابه د خودای زنه یمن. ههر ئه و جوره که خودا وه ناو ته ورات و کتاویل په ئیخه مه ریل فره مایش کئ:

«وه ناو تان نیشته جی بوم و

وه ناو تان ری کهم و

مه بومه خودای ئه وانه و

ئه وانه بونه قه ووم من.»

پیمان.^{۲۰} جا سه فیریل مه سیحیم، وه له ونی که خودا له زوان ئیمه ئه را ناشتی ده نگدان کئ. ئیمه له لای مه سیحه و لاکیمنه پیدانه وه که وه گهر خودا ناشتی بکین.^{۲۱} خودا که سینگ که گونا نه ناسی، ئه را ئیمه کرده گونا، تا وه یه که و بون وه گهر ئه یو بویمنه سالحان خودا. وه جیگه ئی هاوکاریل خودا، لاکیمنه پیدانه وه که فیز خودا وه ناو زنه پیدان بویچه و نه کین.^۲ چونکه خودا وه ناو کتاو ئه شه یای په ئیخه مه ر فره مایش کئ:

«له وهخت په سه ن خوه م، گوشه لید دام

وه ناو روژ نجات، مه یه تد دام.»

ئه وه سه، ئیرنگه وهخت په سه ن خوداس؛ ئه وه سه، ئیمرو روژ نجاته.

زامه تیل پولوس

^۳ ئیمه کوچک نیه خیمنه نوای ری که سینگ، تا هه له له خزمه تمان نه گرن،^۴ به لکه م وه گشت چشتی نیشان دیم که خزمه تکاریل خودایم، یانی وه تامول فره وه ناو به ردیل، سهختیل، به لاییل،^۵ له وهخت فه له که بینیل، وه ناو زندانیل، وه ناو ئاژاوه ییل، وه ناو کاریل سهخت، وه ناو شه ونه خه فی، وه ناو ورسایلی؛^۶ وه پائی، وه ماریفه ت، وه سه ور، وه مپره بانی، وه گهر روح القودوس، وه مابه تیگ که دوروی وه ناو نیه،^۷ وه قسیه ئی راس و وه هیز خودا، وه چه کیل صالح بوین وه دهس راس و چه پ؛^۸ چ حرمه تمان بگرن چ سوکمان بکه ن، چ به ئی ناومان بکه ن چ وه خاصئ ناومان بوه ن.

وه گهر ئیمه جور فیلبازیل ری رهوشت کریه، وهلی راسه گه ئی ئویشیم؛^۹ وه گهر دمان هیمرای جور بی ناو نیشانه یل ری رهوشت کریه و ئی حاله و ناسیاریم؛ وه گهر دمان جور

من دیرین، خوه‌ر ئه‌رامان هاورد، جوری که
فره دلشادم کرد.

^۸چونیکه ته‌نانه‌ت ئه‌گهر وه‌گهر د نامه‌گه‌م
خه‌مباردان کردم، له‌ کرده‌وئ خوه‌م به‌تال
نیم. ئه‌را ئیه‌ که‌ هه‌رچه‌ن توزینگ به‌تاله‌و بیم
- چونیکه‌ دیم نامه‌گه‌م خه‌مباردانه‌و کردوی
- ^۹وه‌لئ ئیرنگه‌ دلشادم، نه‌ وه‌ ئی بونه
که‌ خه‌مبارو بینه، به‌لکه‌م وه‌بونه‌ئ ئیه‌ که‌
خه‌مباریه‌گه‌دان بایس بی توبه‌ بکین. وه‌بونه‌ئ
ئیه‌ که‌ خه‌مه‌گه‌دان ئه‌را خودا بی، تا هویچ
زه‌ره‌ر و زیانینگ له‌ ئیمه‌ وه‌پیدان نه‌ره‌سئ.
^{۱۰}چونیکه‌ ئه‌و خه‌مباریه‌ که‌ ئه‌را خوداس،
بوده‌ بایس توبه‌تینگ که‌ وه‌ره‌و نجات چود و
به‌تالی وه‌ناوئ نیه. وه‌ حالی که‌ خه‌مپگ که‌
ئه‌را جهان بود، بوده‌ بایس مردن. ^{۱۱}ئه‌را ئیه‌
که‌ بوینن که‌ ئی خه‌م و خوسه‌تینگ که‌ ئه‌را
خوداس چ تاسه‌یلئ وه‌ناودان وه‌ دی هاوردیته‌:
چ تاسه‌تینگ که‌ بیتاوانیدان نیشان بی، چ
توره‌تینگ، چ زاورچینینگ، چ هسه‌ره‌تینگ، چ
غیره‌تینگ، چ ئه‌ده‌و کردنیک. ئیه‌و خاس
نیشاین داینه‌ که‌ له‌ هه‌ر باوه‌ته‌ بیتاوانین.
^{۱۲}جا ئه‌گهر ئه‌را‌دان نامه‌ نویسام وه‌بونه‌ئ ئه‌و
که‌سه‌ که‌ خراوی کردیته‌ و یا ئه‌وه‌ که‌ وه‌پ
خراوی بیه، نویه؛ به‌لکه‌م وه‌ ئی بونه‌ بی که‌
له‌لای خوداوه‌ غیره‌تدان وه‌ ئیمه‌، وه‌ خوده‌دان
ئاشرکا بود. ^{۱۳}ئیانه‌ گشتئ بایس دلنه‌واایمان
بیه.

بیجگه‌ دلنه‌وایی خوه‌مان، له‌ خوه‌شی
تیتوس فره‌تر دلخوه‌شه‌و بویمن، چونیکه‌
ئیه‌و گشتدان گیانی تازه‌وه‌ کردوین. ^{۱۴}ئه‌را
ئیه‌ که‌ من له‌ لای ئه‌وه‌ شانازی وه‌پیدان کردم
و ئیه‌و مه‌ شه‌رمزاره‌و نه‌کردین، به‌لکه‌م هه‌ر
ئه‌وجوره‌ که‌ هه‌ر چی وه‌پیدان وه‌تیم درس
بی، مالوم بی که‌ شانازیمان له‌ لای تیتوسه‌و

^{۱۷}جا، خوداوه‌ند فره‌مایش کئ:

«له‌ ناوێان بچه‌ ده‌یشت و جیاوه‌ بون.
ده‌سه‌ قئ هویچ چشت ناپاکینگ مه‌یه‌ن
جا مه‌ قه‌بوئدان که‌م.»
^{۱۸}«من بومه‌ باوگدان و
ئیه‌ویش بوینه‌ کور و دویه‌ت من.
خوداوه‌ند هه‌ر وه‌ تویه‌نا ئیه‌ فره‌مایش
کئ.»

V ئی عه‌زیزه‌یل، ئیمه‌ که‌ ئی واده‌یله‌ دیریم،
بان خوه‌مان له‌ هه‌ر ناپاکي جه‌سه‌ و
روح پاکه‌و بکیم و وه‌ناو زاورچین له‌ خودا،
موقه‌ده‌س بیئ وه‌ که‌مال بره‌سنیم.

دلشادی پولوس

^۲ئیمه‌ وه‌ناو دل خوده‌دان جئ بیئ. وه‌
حه‌ق که‌سیگ خراوی نه‌کردیمه‌، رئ ره‌وشت
که‌سیگ نه‌گه‌نانیمه‌ و له‌ که‌سیگ سودجوی
نه‌کردیمه‌. ^۳من ئیه‌ ئه‌را ماکوم کردنیدان،
نیویشم. چونیکه‌ وه‌رجه‌وه‌ وه‌پیدان وه‌تویم که‌
ئه‌وجوره‌ ئیه‌و هاینه‌ ناو دلمان که‌ گورجیم تا
وه‌گه‌رردان وه‌ یه‌که‌و بمیرمن و وه‌گه‌رردان
وه‌ یه‌که‌و زنه‌ی بکیم. ^۴مه‌ تویه‌نم وه‌ ئازای
وه‌گه‌رردان قسیه‌ بکه‌م و فره‌ وه‌ پیدان دلنایم.
وه‌ سه‌ر ئی هه‌مگه‌ به‌ردیله‌، فره‌ دلگه‌رمه‌و
بویمه‌ و له‌ خوه‌شی نیقه‌لتوزم.

^۵ئه‌را ئیه‌ که‌ وه‌ختئ ره‌سیمه‌ مه‌نته‌قه‌ئ
مه‌قدونیه‌، له‌شمان ئاشاسینگ نیاشت، به‌لکه‌م
له‌ هه‌ر لایگه‌و وه‌ناو به‌رد بویمن - وه‌ ده‌یشت
مراه‌یل داشتیم و له‌ناو زاورچین. ^۶وه‌لئ خودا،
که‌ دلنه‌وایی مات و مه‌لولیل کئ، وه‌گه‌رد هاتن
تیتوس دلنه‌واایمان کرد و ^۷نه‌ ته‌نیا وه‌گه‌رد
هاتئ، به‌لکه‌م له‌ رئ ئه‌و دلنه‌وااییه‌ که‌ له‌ ئیه‌و
گردوی، دلنه‌وامانه‌و کرد. ئه‌وه‌ له‌ تاسه‌دان ئه‌را
دین من و خه‌م فره‌دان و غیره‌تینگ که‌ له‌باوه‌ت

چهن دهوله مهن بي، وه بونه ئيوه دهسته نكي گردهور تا ئيوه وه بونه ئيوه دهسته نكي ئيوه دهوله مهن بوين.

۱۰ جا له ئي باوه ته باوهر خوه م ئويشم، چوپنكه ئه رادان سودمه نه: پاره كه نه ته نيا خوه شان هاتياد مه يهت مه رد م بيين، به لكه م ئي كاره كردين. ۱۱ جا ئيرنگه ئي كاره ته مام بكهن، تا تاسه يگ كه وه ئي كاره وه گهره ته مام كردي داشتهين وه گهره تويه ناي مائيديان يه كي بود، ۱۲ ئه رايه كه ئه گهر تاسه يگ بود، خودا هديه گه ئي به نا وه روي ههرچي كه ديريد، قه بول كه يد نه ئه وه چشته كه نيريد.

۱۳ چوپنكه مه به ستم ئيه نيه كه يه بريگ وه ناو ره حه تي بون و ئيوه وه ژير بار بوين، به لكه م بايه وه روي ئنساف بود، ۱۴ تا وه ئي زمانه دهوله مهن ئيوه، كه م كوتي ئه وانه په رچه و بكي و رويگيش دهوله مهن ئه وانه كه م كوتي ئيوه په رچه و كه يد. وي جوهره ئنساف به رده وام مينيد، ۱۵ ئه و جوهره كه وه ناو كتاويل موقه ده س نويسرياس: «ئوه كه فره گرده و كردي، چشت فره يگ له لي نه مهن و ئه وه كه كه م گرده و كردي، كه م نياشت.»

كل كردن تيتوس ئه راي قورنتوس

۱۶ وه لي سپاس ئه راي خودا كه ههر ئه وه زهره ته ناسه دل تيتوس كه م ئه راي ئيوه دييم. ۱۷ چوپنكه نه ته نيا داواكاريه گه مان قه بول كرد، به لكه م خوه ئي وه ئه زهره ته و ئه راي هاتن ئه رالا دان پا هه لگرد. ۱۸ وه گهرديه و برايگ كل كيم ئه راي لادان كه وه بونه ئي خزمه تي وه ئينجيل گشت كليسايل تاريخه لي كهن. ۱۹ بي جگه ئيه، ئه وه له لاي كليسايل هه لوژاريس تا هاوړيمان بود و ئي كار خيره ئه راي جه لال خودا و نيشان داين خيرخوايمان وه جي باريد. ۲۰ فره هوشمان

درس بيه. ۱۵ ههر وه خت گوش ته كانندان وه هوپر تهرئ و ئيه كه چوي وه ترس و له رزه و قه بولي كردين، مابه ته گه ئي وه ئيوه فره تره و بود. ۱۶ دلشادم كه وه ناو ههر چشتي وه پيدان دليام.

گرده و كردن هديه يل

۱ ئيرنگه ئي براييل، تو ايم له فزيگ كه خودا وه كليسايل مه نته قه ئي مه قذونيه به خشاس، ئاگاداران بكه م. ۲ چوپنكه ئه وانه وه بونه ئي به رد يل سه ختيگ ئه زمون بوياي، ههرچهن فره ده سته نكن وه لي له خوه شي فره په ر و ئي خوه شيه بيه سه بايس ده سدلوازي بي ئه نازه يان. ۳ ئه رايه كه چهنه تويه ناي خويان - خوه م شايه تم كه ئه وانه ته نانه ت فره تر له ئه وه - مه يه ت مه رد م دن، ۴ فره پاملمان بين و لالكي نه پيمان كه وه ناو ئي خزمه ته وه ئيمانداريل وه مه سيح به شارو بون. ۵ ئيانه ته نانه ت فره تر له ئه وه چشته كه ئيمه چه وه ري بيمن كار كردن، چوپنكه يه كم جار خويان پيشكه ش خودا وه ندن كردن و ئمجا وه خاست خودا خويان پيشكه ش ئيمه يش كردن. ۶ وه ئي بونه، له تيتوس تو اسيم ههر ئه و جوهره كه ئي كار خير ده سدلوازي وه ناودان شرو كردي، تا وه ئاخر بويدئ سر. ۷ وه لي ههر ئه و جوهره كه وه ناو گشت چشتيگ سه رترين - وه ناو ئيمان، وه ناو قسيه كردن، وه ناو ماريه فته، وه ناو تاسه ئي فره، وه ناو مابه تدان وه ئيمه - جا وه ناو ئي كار خيريشه بي نه نو اي يه كانه و.

۸ ئي ده ستوره نيه مه پيدان، به لكه م وه به راورد وه گهره ته قالا ئي كه سيل تر توام راسي مابه تدان ئه زمون بكه م. ۹ چوپنكه له فزي خودا وه ندمان عيسا مه سيح ئاگادارين كه ههر

داوین گورجیڼو بکهن. تا جور هدیه ټگ بود که دیاره وه گڼ دلگ داینه نه وه زور.

هان داین وه دس دلوازی ئهرا هدیه داین

^۶ قسیه ها سهر ئیه که: ههر کهس کهم بکائی، کهمیش دره و کئی و ههر کهس فره بکائی، فرهیش دره و کئی. ^۷ ههر کهس تهوقره که ها ناو دلی بی، نه وه دودلی و نه وه زور، چوینکه خودا خویشی وه ئایه میگ ټی که وه خویشیه و هدیه دی. ^۸ جا خودا تویه ئی ههر نیمه تیگ ئهرا داندان فره وه بکئی تا وه گشت چشتیگ ئهرا هه مویشه گشت هه وه جیلدان بهرا ورده بکئی و ئهرا وه جی هاوردن ههر کار خاسیگ، وه فراوانی بیاشتوین. ^۹ تهو جوره که وه ناو کتاو زه بور نویسیاس:

«وه دسدلوازی وه دهسته نگیل

به خشیه،

دادپهروه ریگه ئی تا ته بهد و تا ته بهد

به رده و ام میخ.»

^{۱۰} جا ته وه که تویه مه که ئهرا جفتیار و نان ئهرا خواردن گورجه و کئی، تویه مه که داندان گورجه و کردپه و فره وه کئی و بهر صالح بویندان فره وه کئی. ^{۱۱} ئیوه له ههر باوه تیگه و دهوله مه نه و بوین تا له ههر باوه تیگه و به خشنه بوین، جا ئی به خشنه ټدانه له ری ئیمه بوده بایس سپاس خودا.

^{۱۲} ئهرا ئیه که ئی خزمه ته نه ته نیا هه وه جیل ئیمانداریل وه مه سیح په رچه و کئی، به لکه م بایس سپاس قیر فره ټگ له خودا بود. ^{۱۳} وه بونه ئی مور ئی خزمه ته وه زنه بیدان، مه ردم ستایش خودا کهن وه بونه ئی گوش ته کانن و ئی قراردان وه ئینجیل مه سیح، ههر ئی جوره ئهرا دسدلوازیان له مه ټه ته و ته وانه و وه گشت

ههس تا که سیگ له ئی خزمه ته گرده و کردن هدیه ئی دسدلوازه له لیمان گله ی نه کید. ^{۲۱} چوینکه ئیمه ته قالا کیم نه ته نیا له وهر چه و خودا وه ند، به لکه م له وهر چه و مه ردمیش ته و چشته که خاسه وه جی باریم.

^{۲۲} وه گهر د ته وانه براگه مانیش کل کیم، که چهن جار ته زمونی کردیم و دیمن که وه ناو فره له کاریل وه ته زره تره، وه لی ئیرنگه وه بونه ئی دلنیا یی فره وه ئیوه، وه ته زره تر له هه مویشه س. ^{۲۳} له باوه ت ټیتوس، باپه بویشم که له خزمه ته مه ئهرا ئیوه هاوبهش و هاوکار منه؛ ههر ئی جوره له باوه ت برا لیمانیش باپه بویشم که کل کریا په گان کلیسای و جه لال مه سیح. ^{۲۴} جا مابه تدان وه ئیانه و ههر ئی جوره وه گشت کلیسای نیشان بیهن تا بزنان شانازیمان وه ئیوه بیخود نیه.

۹ ئیرنگه دی هه وه جی وه ئیه نیه تا له باوه ت ئی خزمه ته وه ئیمانداریل وه مه سیح ئهرا داندان بنویسم، ^۲ ئهرا ئیه که له تاسه داندان ئهرا مه بهت داین ناگدارم. وه ئی بونه له لای ئیمانداریل مه ته قه ئی مه قدونیه شانازی وه پیدان کردم. وه پیان وه تمه که ئیوه له ناوچه ئی ته خائی له پاره که ئهرا هدیه داین گورجه و بوینه. ئی ته زره تدانه فیشر ته وانه ئهرا ئی کاره هان داس. ^۳ وه لی ئی برایله کل کهم تا مالوم بود که شانازیمان وه ئیوه پویج نویه، به لکه م تا ههر تهو جوره که وه پیان وه تمه، گورجه و بوین. ^۴ نه خوی ته گهر قیر ټگ له ئیمانداریل مه قدونیه وه گهر دمه و بان و بزنان که گورجه و نوینه، ئیمه - ئیوه نویشم - له دلنیا ییگ که وه پیدان داشتیم، شهر مزاره و بویم. ^۵ جا واجو زانستم که له برایل بتوام وه رجه من بانه ئهرا لادان و هدیه یی که واده

با بزنان که هر چی وه دویره وهناو نامه گانم
ئویشم، وهختی بامه ئهرا لادان هر ئه و کاره
که م.

۱۲ نه ئیه که ئیمه جرئت کیم خوهمان
وه گهرد که سیلی که له خوێان تاریف کهن
یه کی بکیم یا خوێان وه گهرد یه کتره کی
هه لسه ننگن. وهلی وهختی خوێان وه گهرد
یه کتره کی بهراورد کهن، دیاره که چهنی نه زانن.
۱۳ وهلی ئیمه فره وه خوهمان شانازی نیه کیم
به لکه م ئه وقره که خودا ئهرا مان دیاری
کردیه، ئیه ئیوهیش گریده وهر. ۱۴ ئهرا ئیه که
ئیمه له ئهنازه ئی خوهمان فره تر نه چیمنه سه
نوا، چمائی ههرا ئههر خزمه تدان نه کردیمنه.
چونیکه یه کمین که سیلی بیمن که ئینجیل
مه سیح رهسانیمنه پیدان. ۱۵ ئیمه حه د
خوهمان پارزینیم و وه کاریلی که که سیلتر
کردنه شانازی نیه کیم. وهلی ئمیدمان ئیه سه
که هر چ ئیمانان فره تر بود، پانای
خزمه تمان وهناو ئیوهیش فره تره و بود، ۱۶ تا
بتویه نیم مزگانی بییمنه ئه و ولایتی که له ئیوه
دویرترن. چونیکه نیه توایم شانازی بکیم وه
ئه و کاری که وهرجه وه وهناو میلکان یه کیگتر
ئه نجام دریا س. ۱۷ جا «هر که س شانازی
کئ، وه خودا وهند شانازی بکئ.» ۱۸ چونیکه نه
ئه وه که له خوهی تاریف بکئ قه بول کریه ی،
به لکه م ئه وه که خودا تاریفی بکئ.

پولوس و ره سوله یل دروه کانی

۱ خوه زگه و یه ی قیر گیلگه و چی مه
تامول بکئ. تامولم بکئ! ۲ ئهرا
ئیه که مه وه ئیوه غیره ت دیرم و ئیه
له لای خوداس، چونیکه ئیوه ده زویران یه
شوی کردمه تا جور دویه تازه و ئیگ پرچ پاک
پیشکه شدان بکه مه مه سیح. ۳ وهلی رخم چود

نیشان دین. ۱۴ ئه وانه وه بونه ی فیز فره گه ورائ
که خودا وه پیدان کردیه، وه ئه زره ت فره یگه و
ئهرا دان دوعا کهن. ۱۵ سپاس ئهرا خودا ئهرا
خه لاتی که نیود شیوی بکئ!

ده فای پولوس له خزمه ته گهی

۱ • من، پولوس، وه روی نه رمی و میزه بانی
مه سیح له لیدان توام - وه پئ
وتار بریگیدان، وهختی له لادان نیم بئ فیس
و وهختی هامه لادان تنم! - ۲ و لاکمه
پیدان ناچار نه وم وهختی هامه لادان، وه گهرد
که سیلی که فکر کهن ئیمه وه گهرد په یمانیه یل
ئی جهانه زنه پی کیم، وه تنیه و مامله بکه م.
۳ چونیکه هر چهن وهناو ئی جهان دیمئی
سه ر، وهلی وه ری ره وشت جهان شه ر نیه کیم.
۴ ئهرا ئیه که چه ک شه ر ئیمه هن ئی جهانه
نیه، به لکه م وه هیژ خوداییه که تویه نای خاپور
کردن قه لایل هه س. ۵ ئیمه ههر باسیگ و
هر گومان قورات قویگ که وهنوائ ماریفه ت
خودا وسید له بین بیمن و هر فکر یگ ئهرا
گوش ته کانن له مه سیح وه بهن کیشیم و ۶ وه
گورجیم تا هر ملچه فته وکه ر یگ سزا بییم،
وهختی که گوش ته کاننه گه دان کامله و بود.

۷ بنورن و سه یز بکه ن. ئه گهر که سیگ
دلنیاس که هن مه سیحه، با بزانی که هر
ئه و جوره که ئه وه هن مه سیحه ئیمه یس
هر وه ئه و ئهنازه هن مه سیحیم. ۸ چونیکه
شه رمار نیوم ته نانه ت ئه گهر قرتکیگ فره تر
شانازی وه ئه و ده سلاتی بکه م که خودا وهند
داسه پیم ئهرا بنیاد نایندان نه ئهرا له بین
بردندان. ۹ نیه توام وه گهرد نامه یلم رخدان
بوه م، ۱۰ چونیکه بریگ ئویشن: «نامه یلی
قورس و وه هیژن، وهلی بیینه گه ی پی هازه و
قسیه گانی سوکه.» ۱۱ ئه وانه که ئیجوره ئویشن

وټه‌ئې ره‌سوله‌یل مه‌سیح دهر تیه‌رن. ۱۴ جا ئیه چشت ته‌لاجویگ نیه، وه‌بونه‌ئې ئیه که شه‌یتانیش خوه‌ئې وه وټه‌ئې فریشته‌ئې نویر دهر تیه‌ری؟ ۱۵ چشت ته‌لاجویگ نیه که خزمه‌تکاریل خویشتی بکنده جور خزمه‌تکاریل ری سالحان. ده‌سناخر سزایگ که حه‌قیانه گرن.

شانازی پولوس وه رهنجیلې

۱۶ وه‌دواره ئویشم: که‌سیگ مه وه گیلگه‌وج نه‌زانی. وه‌ئې ته‌گهر ئیجوره کین، ده‌سکه‌م جور یه گیلگه‌وجیگ قه‌بولم بکه‌ن، تا منیش بتویه‌نم قیرئ وه خوه‌م شانازی بکه‌م. ۱۷ قسیه‌یلی که ئویشم جور قسیه‌یلی نیه که له دهم خودا‌وندهو دهر تید، به‌لکه‌م جور قسیه‌یلگه که له دهم یه ئایه‌م گیلگه‌وج دهر تید. ۱۸ وه‌بونه‌ئې ته‌وه که قیر فره‌نگ وه پښ بنه‌مائ جهان شانازی وه خویان که‌ن، منیش شانازی که‌م. ۱۹ ته‌را ئیه که ئیوه وه خوه‌شیهو گیلگه‌وجیل تامول کین، نه که فره‌ زاناین! ۲۰ وه راسی ته‌گهر یه کیگ ئیوه بکنده خولام خوه‌ئې، یا قویرتدان یئې، یا وه‌گهر‌دانهو مامله‌ئې خراو بکې، یا وه ملدانهو گه‌ورایې بکې، یا وه چه‌پاله بیده ناو گوشدان، وه خاصئ تامول کین. ۲۱ وه شهر‌مزاری ته‌مام بائه ئیقرار بکه‌م که ئیمه بی هازتر له ته‌وه بیمنه که بتویه‌نیم ئیجور کاریلې بکیم!

ته‌گهر که‌سیگ وه خوه‌ئې ئجازره دی وه چشتئ شانازی بکې، هم وه‌دواره جور گیلگه‌وجیگ قسیه که‌م، منیش وه خوه‌م ئجازره دهم وه ته‌وه شانازی بکه‌م. ۲۲ ئې عبرانین؟ منیش هم! ئې ئیسرائیلین؟ منیش هم! ئې له نه‌ته‌وه‌ئې ئی‌راهمین؟ منیش هم! ۲۳ ئې خزمه‌تکار مه‌سیحن؟ جور شیتیل قسیه

هر ته‌وجوره که حه‌وا فریو فیلبازی ماره‌گه خوارد، فکر‌یلدانیس له ته‌وه سهرسپرده‌یې راسه‌کانی و خالسه که ته‌را مه‌سیح دیرین، له ری وه دهر بچود. ۴ چوینکه ته‌گهر که‌سیگ بای ته‌را لادان و عیسای تر بچگه ته‌وه که ئیمه بانگه‌وازی کردیمنه پیدان، بانگه‌وازی بکې، یا ته‌گهر روحیگ جیا له ته‌وه روحه که گردینه‌سه‌وه‌ر یا ئینجیلگ تر له ته‌وه ئینجیله که شنه‌فتینه بویشیده پیدان، وه ئاسانی تامولې کین. ۵ وه‌ئې گومان نیه که‌م مه له ته‌وانه که خویان وه 'گه‌ورا ره‌سوله‌یل' خوه‌نن چشتیگ که‌متر بیاشتوم. ۶ هاتئ قسیه‌که‌ر ماهریگ نه‌وم، وه‌ئې وه‌ناو ماریفه‌ت چشتیگ که‌م نیرم؛ ئیه وه ته‌مامی له هر باوه‌ت نیشان‌دان دامه. ۷ ئې گونا کردمه که خوه‌م بویچگه‌و کردمه تا ئیوه سهره‌ره‌زهو بوین چوینکه ئینجیل خودا وه په‌تی جار دامه پیدان؟ ۸ من وه‌گهر د قه‌بول کردن مه‌یه‌ت بویلی، کلبسایلتر تالان کردم تا بتویه‌نم خزمه‌تدان بکه‌م. ۹ جا وه‌ختئ وه‌گهر‌دردان بیم و هه‌وه‌جیم وه چشتیگ که‌فتوی، بارنگ نه‌ناویمه سهر کوئل که‌سیگ، ته‌را ئیه که برایی که له مه‌نته‌قه‌ئې مه‌قدونیه‌وه هاتوین هه‌وه‌جییه‌لم په‌رچه‌و کردن. جا مه بې گومان بارنگ وه سهر کوئلان نویمه و وه‌شون ئیه‌یشه‌ نیوم. ۱۰ وه ته‌وه راسی مه‌سیحه که ها ناو من قه‌سه‌م، هوچکه‌س وه‌ناو مه‌نته‌قه‌یل ته‌خائیه ئې شانازی منه له لیم نیه‌سیندئ. ۱۱ ئې ته‌را چه؟ وه‌بونه‌ئې ئیه‌سه که دوسدان نیرم؟ خودا زانی که دوسدان دیرم! ۱۲ له ئې کاره که که‌م به‌رده‌وامم تا دهر‌فه‌ت له ته‌وانه‌یگ بگرم که قورانی دهن که هر ته‌وجوره که ئیمه خزمه‌ت کیم خزمه‌ت که‌ن.

۱۳ چوینکه ئیجور که‌سیلې، ره‌سوله‌یل دروه‌کانی و کارکه‌ریل فیلبازن که خویان وه

د هروچه ټنگ که وه سهر دیوار شاره گه بی، مه شوره و کړنده خوار و ئیجوره له چنگی دره چیم.

روياييل پولوس و درگ جه سه ئی

۱۲ بایه شانازی بکه م؛ هه رچهن وه ناو ئی شانازی نه فیک ته رام نیه، رویایل و وه حییلی که له خودا وهند داشته، ئویشم. ۱ یه کیک ناسم که ها ناو مه سیح، چوارده سال وهرجه ئیه رفیاده ئاسمان سییه م. نیه زانم وه گهرده جه سه وه چیه ئاسمان یا بی جه سه، خودا زانی. ۳ جا زانم که بریاده ئه را به هیشت - وه گهرده جه سه وه یا بی جه سه، خودا زانی - ۴ و چشتیلیک شنهفت که نیود تاریفی بکی، که قسه کړدن له ئه وانه ئه را ئایم رهوا نیه. ۵ مه وه ئیجور که سیگ شانازی که م. وه لی له باوهت خوه، بیجکه وه بی هازیلیم شانازی نیه که م. ۶ ته نانهت ته گهر بتوام شانازی بکه م، گیلکه وچ نیم، چوینکه راسه گه ی ئویشم. وه لی خوه م پارټیزم تا نه خوائ که سیگ فره تر له ئه و چشته که له منا دوینی و شنهفتی فکر بکی.

۷ وه لی ئه را ئیه که گه ورایی بی ته نازه ی ئی وه حییله لویته رزم نه کئی، درگیگ وه ناو جه سه دریاسه پټیم، جور کل کریای شهیتان، تا عه زاوم یی، تا که لویته رز نه وم. ۸ سئ جار لالکیامه خودا وهند تا له لیم دوریه و بکی، ۹ وه لی وه پټیم وهت: «فیز من ئه را تو به سه، چوینکه هیژ من وه ناو بی هازی کامله و بود.» جا وه شادی فره ټگ وه بی هازیلیم شانازی که م تا هیژ مه سیح بایده سهر م. ۱۰ جا وه بونه ئی مه سیح،

که م، مه فره تر هه م! له گشت سه ختر کار کړدمه، چهن جار فره تر له ئه وانه که فتمه سه زندان، له گشت فره تر قه مچی خواردمه، چهن جار وه گهرده مه رگ روی وه روی بیمه. ۲۴ په نج جار له جویله که یل، سی و نو گله قه مچی خواردمه. ۲۵ سئ جار چویم دانه، یه جار کوچگواران بیمه، سئ جار که شتی گهردیانم چیه ژیر ئاوا، یه شه وانه روژ وه ناو ده ریا دامه ئی سهر. ۲۶ هه مویشه وه ناو گهردیان بیم و له ههر لایکه و تویش خه تر هاتیم: خه تر گوزیشتن له چه میل، خه تر ریگرل؛ خه تر له لای قه ومه گه م، خه تر له لای ناجویله که یل؛ خه تر وه ناو شار، خه تر وه ناو بیاوان، خه تر وه ناو ده ریا؛ خه تر له لای برایل دروه گانی. ۲۷ وه ناو سه ختی و مینهت، وه ناو شه و نه خه فته نیل فره ټگ؛ وه ناو ورسایي و تیه نیایی، فره وه ختیل بی نان، وه ناو سه رما و رویی. ۲۸ جیا وه ئی چشتیله، بار نگرانی ئه را گشت کلیسایله سه که ههر روژ وه سهر کولمه و سه نگیی کئی. ۲۹ کیه که له لیدان بی هازه و مه وه گهرده بی هازی گه ی به شدار نه وم؟ کیه که له لیدان بکه ف و من ته رایی نه سوزیه م؟ ۳۰ ته گهر بایه شانازی بکه م، وه چشتیلی شانازی که م که بی هازی مه نیشان دی. ۳۱ خودا، باوگ خودا وهند عیسا، که وه ئه یو تا ته به ده بهر که ت بود، زانی که درو نیویشم. ۳۲ وه شار دهمشق، فرمانره وائی ده سنیشان شا حارس، نگبانلی هیشته سهر شار دهمشق تا بخه نه مه گیر. ۳۳ وه لی وه ناو سه وه ته ټگ، له

سودجویی کردی؟ ئی ئیمه‌یش هەر وه ئی رڤی ره‌وشته زنه‌ی نه‌کردیم و هەر ئی کاره نه‌گردیمنه وهر؟

۱۹ ئی هه‌مگه وه‌خته فکر کردیاین که ئیمه له خوه‌مان وه‌ناودان ده‌فا کردیمنه؟ نه‌خیر، ئیمه له‌لای خوداوه جور که‌سیلڭ قسیه که‌یمن که هانه ناو مه‌سیح، هەر چی کیم، ئی عه‌زیزه‌یل، ئه‌را بنیاد ناین ئیوه‌س. ۲۰ چوینکه له ئه‌وه پخم چود وه‌ختی بامه ئه‌را لادان ئه‌وجوده که توام، نوینمه‌دان و ئیوه‌یش ئه‌وجوده که تواین، نوینمه‌م. نه‌کی وه‌ناودان مرافه، حه‌سوی، توره‌ بوین، دشمنه‌ی، بخت کردن، خوسپ کردن، لویته‌رزی و شل شویایی بوینم. ۲۱ هەر ئیجوره پخم چود وه‌ختی بامه ئه‌را لادان، خودا یه‌ی جارتر من له لای ئیوه بی فیه‌سو بکی و ئه‌را برڤی که له جاران گونا کردن و له ناپاکی، خیزی و هه‌ره‌زی خویان توبه نه‌کردنه، خه‌مبارو بوم.

هه‌ره‌شه‌یل ناخر

۱۳ ئیه سی‌یه‌م جاره که تیه‌مه ئه‌را لادان. «هەر بختڭ با‌یه وه شایه‌تی دو یا سی شایه‌تیده‌ر مور بود.» ۲ مه وه‌ختڭ ئه‌را دویم جار سهر دامه‌ لڭدان، که‌سیلی که له جاران گونا کردوین، هەر ئیجوریشه وه هەر که‌سیگتر هه‌ره‌شه کردم و ئیرنگه‌یش که له‌لادانه‌و نیم وه‌دواره هه‌ره‌شه که‌م که وه‌ختی بامه ئه‌را لادان، وه که‌سیگ ئاسان نیه‌گرم. ۳ چوینکه ئیوه هاینه شون مدوڭ وه ئیه که مه‌سیح وه وه‌سله‌ی منه‌و قسیه کی. ئیه‌و وه نوادان بی هاز نیه، به‌لکه‌م وه‌ناودان تویه‌ناس. ۴ وه‌بونه‌ی ئیه که هەر چهن وه‌ناو بی هازی وه سه‌لیب کیشریا، وه‌لی وه هڤر خودا زنه‌ی کی.

وه بی هازییل، دشمنییل، سه‌ختییل، عه‌زاویل و به‌ردیل، خوه‌شانه‌م، چوینکه هەر وه‌خت بی هازم ئه‌و وه‌خته تویه‌نام.

نگرانی بولوس ئه‌را کلیسای قورنتوس

۱۱ گیلگه‌وج بیمه! ئیوه ناچارم کردین. با‌یه تاریفم بکردیاین، ئه‌را ئیه که هەر چهن مه هویچم، وه‌لی له ئه‌وانه که خویان وه 'که‌ورا ره‌سوله‌یل' خوه‌ن چشتی که‌م نیرم. ۱۲ نیشانه‌یل ره‌سول راسه‌کانی وه‌ناودان، وه ته‌مام سه‌ور و وه‌گه‌رد نیشانه‌یل و چشتیل ئه‌لاجوی و موجزه‌یل ئاشکراوه بی. ۱۳ وه به‌راورد وه‌گه‌رد باقی کلیسایل، چ سه‌ته‌میگ له حه‌قدان بیه، بیجگه ئیه‌ک هه‌را‌ئه‌هر بارڭ وه سهر کو‌ل‌دان نویمه؟ ئه‌را ئی هه‌له‌مه بوه‌خشینه‌م!

۱۴ ئیرنگه ئه‌را سی‌یه‌م جار گورجم بام ئه‌را لادان، نویمه بار گرانیگ وه سهر کو‌ل‌دان. چوینکه نیمه شون دارا‌ئیدان، به‌لکه‌م هاهمه شون خوه‌دانه‌و. ئه‌را ئیه که منائیل نین که با‌یه ئه‌را دالگ و باوگ خویان گرده‌و بکه‌ن، به‌لکه‌م دالگ و باوگن که ئه‌را منائیل خویان گرده‌و که‌ن. ۱۵ جا مه وه خوه‌شی فره‌نگه‌و هەر چه دیرم دهم ته‌نانه‌ت گیانمیش دریخ نیه‌که‌م. ئه‌گه‌ر من ئی هه‌مگه دوسدان دیرم، ئی ئیوه با‌یه که‌متر دوسم بیاشتوین؟

۱۶ وه‌لی ته‌نانه‌ت ته‌گه‌ر قه‌بول بکین که بارڭ وه سهر کو‌ل‌دان نویمه، هاتی ئویشین مه ئایه‌م فی‌لبازنڭم و وه فی‌لبازیوه گول‌دان دامه. ۱۷ ئی وه وه‌سله‌ی ئه‌وانه که کل کردمه ئه‌را لادان له‌لڭدان سودجویی کردمه؟ ۱۸ مه له تیتوس تواسم تا با‌یه ئه‌را لادان و براگه‌مانیش وه‌گه‌ردیه‌و کل کردم. ئی تیتوس له‌لڭدان

ئەرادان نويسم، تا وهختیگ هاتمه ئەرا لادان، ناچار نهوم دهسلات خوهم وه تونی وه کار بوهم، ئەو دهسلاته که خوداوهند بهخشیهسه پیم نه ئەرا خاپور کردن، بهلکهه ئەرا بنیاد نایه.

دهس ئاخر

۱۱ دهس ئاخر، ئی برایل، شاد بوین؛ ئەرا کمال بوین و تهمامی تهقالا بکهن؛ ئاموژياری بگرن؛ یهدهنگ بوین؛ وهناو ئاشتی و سلامهتی زنهپی بکهن، که خودای مابهت و ئاشتی و سلامهتی وه گهرددانهو مینید.

۱۲ وه ماچتیگ موقهدهس سلام یهکترهکی بکهن. ۱۳ گشت ئیمانداریل وه مهسیح، سلامدان رهسنن.

۱۴ فیز خوداوهند عیسا مهسیح، مابهت خودا و هاوبهشی روح القودوس وه گهرد گشتدانهو بود.

ههر ئیجوره، ئیمهیش وهناو ئهيو بی هازیم، وهلی وه گهردیبهو وه نوای ئیوه وه هیز خودا زنهپی کهیمن.

۵ خوهدان ئەزمون بکین تا بزانی هاینه ناو ئیمان یا نه. وردهو بونه خوهدان. ئی نیهزانی که عیسا مهسیح ها ناودان؟ مهر ئەوهکه وهناو ئی ئەزمونە رفوزه بوین! ۶ جا ئمیدوارم بزانی که ئیمه رفوزه نویمه. ۷ دوعای ئیمه وه پیشگای خودا ئیهسه که ههله نهکین؛ نه تا مالوم بود که ئیمه له ئەزمون سهربهرز هاتیمنهسه دهیشت، بهلکهه تا ئیوه ئەو چشته که درسه، وه جی بارین، تهنانهت ئەگهر ئیجوره نیشان بی که ئیمه شکهس خواردیمه. ۸ چوینکه نیهتویه نیم هوپج کارئ وه چهواشهئ راسی بکیمن، بهلکهه ههر چی کیمن ئەرا راسیه. ۹ چوینکه ههر وهخت ئیمه بی هاز بویم و ئیوه هیژدار، بایس خوهشیمانه، جا دوعای ئیمه ئیهسه که ئیوه کاملهو بوین. ۱۰ ههر وه ئی بونه، چوینکه خوهم له لادان نیم ئی چشتیله